

## Jualan buku jadi program tahunan



Prof Yahya (kiri) dan Tee menunjukkan MoU yang dimeterai UniSZA dan BBW.

**Kuala Terengganu:** Universiti Sultan Zainal Abidin (UniSZA) akan menjadikan program Jualan Buku Big Bad Wolf (BBW) sebagai aktiviti tahunan universiti mulai tahun ini.

Naib Canselor UniSZA, Prof Datuk Dr Yahya Ibrahim, berkata program itu turut menjadi satu pendekatan untuk menarik masyarakat berkunjung ke UniSZA selain memupuk minat membaca dalam kalangan pelajar dan masyarakat menerusi pembelian buku.

Katanya, pengajuran program julkung kali itu diadakan bersempena dengan pelancaran Hari Universiti Komuniti UniSZA dalam usaha untuk mendekatkan masyarakat setempat dengan universiti.

### Masuk ke universiti

“Dengan adanya aktiviti ini, secara tidak langsung dapat menarik sebahagian besar masyarakat di sekitar Terengganu untuk masuk ke universiti ini.

“Selain memberi buku, mereka dapat mendekati warga UniSZA dan mendapatkan informasi mengenai program yang dijalankan oleh universiti selain membolehkan pelajar mendekatkan diri dengan komuniti setempat,” katanya pada majlis menandatangani memorandum persefahaman (MoU) UniSZA dan BBW di sini, baru-baru ini.

UniSZA diwakili Prof Yahya dan

BBW oleh Pengarah Urusannya, Kelvin Tee. Yang turut hadir ialah Pengarah Bahagian Keusahawanan dan Kebolehpasaran Graduan UniSZA, Dr Jamaluddin Helmi Hashim.

Program enam hari itu menyediakan potongan harga buku daripada 75 hingga 95 peratus bermula jam 10 pagi hingga 10 malam.

Lebih 400,000 buku pelbagai judul dijual BBW pada kali ini dan jumlah pengunjung dianggarkan lebih 100,000 orang.

“

SELAIN MEMBELI  
BUKU, MEREKA  
DAPAT MENDEKATI  
WARGA UNISZA DAN  
MENDAPATKAN  
INFORMASI ME-  
NGENAI PROGRAM  
YANG DIJALANKAN”

Datuk Dr Yahya Ibrahim,  
Naib Canselor UniSZA



Sebahagian daripada pengunjung program Jualan Buku BBW.